

Èkwo, Pòlu deru nù Ndu Galéshiya

¹ Èkwo-ozì-wa shì l'èka m̀bèdua, b̀u Pòlu, b̀u onye e meru t̀e mu b̀uru onye ishi-ozì Jisòsu Kuráyisutu. È t̀o b̀ukwa madz̀u meru mu iya; òphu ò b̀ukwa madz̀u b'ò shì l'èka. Ndu o shì l'èka kwa Jisòsu Kuráyisutu; m̀e Nchileke, b̀u Nna, b̀u iya b̀u onye meru t̀e Jisòsu Kuráyisutu shì l'ònwu teta nòdu ndz̀u. ² Ùnwunna ayi, mu l'èphe nò l'èke-a b̀e mu l'èphe t̀uko ekele iphe b̀u chòchi, nò l̀e Galéshiya ekele.

³ Iphe mu anòduje ekfu anù Nchileke, b̀u Nna; m̀e Nnajiufu, b̀u Jisòsu Kuráyisutu b̀u t'èphe meeru unu eze-iphe-òma; mekwaaphu t'èhu d̀u unu agu.

⁴ O b̀u Kuráyisutu ono gude onwiya ch̀ia èja; nwùhu; shì ège ono safu ayi iphe d̀u èji, ayi meshiru; ège ee-shì t'ò dzòfuta ayi l̀e mgboko-a, iphe d̀u èji jiru ejiji-wa. Iphe ono ab̀uru uche-òbu Nna ayi, b̀u Nchileke b'ò meru ono. ⁵ T'a jaa Nchileke ajaja gbururu jeye l̀e tutu yoyo. Ono kwa ège ò d̀u.

Ozi-òma lanù kp̀u; b̀e nònu

⁶ Iphe òwaa d̀ukwa mu biribiri l'ò b̀u Nchileke ono, kuru unu t̀e Kuráyisutu shì l'eze-iphe-òma ono, o meru unu dzòfuta unu ono b'è ta nòdu òphu baru ishi; unu egbe agbakutawaru nù Nchileke ono az̀u; gbe aghawanu ifu l'òzi-òma òdo, gbaru iche. ⁷ E -kfude iya ekfukfu b'è to

nwekwa ozi-oma odo, nonu. Obenu l'o nweru ndu agbaghashi unu obu agbaghashi; mbu ndu ese t'ephe gbanwee ozi-oma ke Kuráyisutu ono. ⁸ A-o! O -buru l'oo ayibedua; m'o bu l'oo ojozi, shi l'imigwe byaru bya ezilaha unu ozi-oma ophu yele ono, ayi ziru unu ono ta dakotadu; te Nchileke tu-phukwaa ya l'onu. ⁹ O kwa iphe ayi kfuawaru be mu ekfu odo nta-a; su: O -nweru onye ezi unu ozi-oma ophu yele ono, ayi ziru unu ono ta dakotadu; te Nchileke tu-phukwaa onye obu l'onu.

¹⁰ ?O du unu le mu eme te mu kfu iphe atso ndiphe ena le nchi to? ?T'o du unu le mu eme te ndiphe su le mu bu onye oma? Wawakwa. Iphe mu eme te mu meje bukwa iphe a-du Nchileke mma. Ndege o buru le mu eme te ndiphe su le mu bu onye oma; me mu ta ga abukwa nwozi Kuráyisutu.

Ege Polu shi buru onye ishi-ozu

¹¹ Iphe unu a-maru; unwunna mu; bu l'ozu-oma ophu mu ezije ta bukwa l'uche-obu madzu b'o shi. ¹² Ishi iya aburu l'e to budu madzu b'o shi l'eka; ophu madzu 'ezidu mu iya ezizi. O bu Jisusu Kuráyisutu koshiru mu onwiya bya eworu ozi-oma ono ye mu l'eka.

¹³ Unu nuhawaru-a ege ndzu mu shi du teke mu shi eme ome-l'ali, ndu Ju egudeje abaru Nchileke eja; nuwa ege mu kparu chochi ke Nchileke ehu; mbu shi see ege mu e-shi mebyia ya le mkpurophu. ¹⁴ Mu shi etsokotakpolephu ekemu ndu Ju ono ohuma ege a turu iya. Mu tsokpooru ekemu ono tsotabe iya k'ophu mu

kaḳoṭa iya igweligwe ndu mu l'ephe bu oḡbo etsotso; ege ono be ome ome-l'alì ndiche ayi phe shi anḳoḍje evu mu ehu; l'evushi mu iya ike.

¹⁵ Obenu le Nchileke fṛtahawaru mu ru temanu b'a mṛderu mu; bya egude eze-iphe-oma iya kua mu l'ege o choru; ¹⁶ koshi mu Nwa iya ono; k'ophu mu a-ra ke Nwa iya ono arara te ndu e-ta budu ndu Ju nua ya. Teke iphe ono meru ta dukwa madzu, kfu eka kfu ru okpa, mu chi-koshiru idzu iya. ¹⁷ Ophu mu 'ejekwa Jerúsalemu ke te mu jekfu ndu vuru mu uzo buru ndu ishi-ozì-wa je ephe okpata ishi. Iphe mu meru bu le mu gbe tugbua bahushia Arébiya bya eshi eke ono laphushia azu le Damásukosu. ¹⁸ A nḳlephu afa eto; mu atugbua jeshia Jerúsalemu te mu je amaru onye bu Pyita. Mu eshi rua; mu l'iya anḳo abali iri l'ise. ¹⁹ Obenu l'e to dukwa ndu ishi-ozì ndu ophu, mu phuru; gbahaa Jémusu, bu nwunne Nnajiufu ayi.

²⁰ O bu Nchileke nwenkinyi iya maru l'iphemiphe obule-a, mu no iya l'ifu ederu unu-wa ta dudu ophu bu ejo-ire be mu adzu.

²¹ To du iya bu; mu atugbua; yo buru mu oje ali Siriya; meebe bya ejee Silisiya. ²² Ege-a, mu ekfu-wa ta dukwaa m'ḳo iphe bu chochi Kuráyisutu le Judiya, mawaru onye mu bu. ²³ Iphe ephe anḳlephu le nchi le nchi bu l'a suru: "L'onye ono, shi eme ephe kpakpawowo ono be arakwa ozi-oma ke t'e kweta ke Kuráyisutu arara; mbu ekwekwe ono, o shi eme t'o mebyia emebyi ono." ²⁴ Oo ya kparu iphe ephe ekele Nchileke ekele; l'okfu ehu mu.

2

Pọlu ejekfu ndu ishi-ozì ọp̄hu

¹ A nọlephu afa iri l'ẹno; mu lẹ B́anabasu alashia azụ lẹ Jerúsalemu. Mu eduta Táyítósu; mu l'iya ayíru. ² Iphe kparu iphe mu jeru ẹke ono bụ l'ọo Nchileke koshiru mu iya; sù tẹ mu je. Mu ekweta jeshia. Mu lẹ ndu ono, bụ ndu ishi ono abya anọo ndzuko kẹ iche. Mu abya eworu ozi-oma ono, mu ziru ndu ẹ-ta bụdu Ju ono togboru ẹphe ẹba; k'ọp̄hu akanya, mu sehawaru; mẹ ọp̄hu mu ese nta-a ta bụduru mu kẹ mmakanu. Ẹphe azụa gbúruru. ³ E to nwekwa onye ẹphe yebutaru t'ọ bua útsù. Mbụ jeyekwa lẹ Táyítósu-a, ẹ-ta bụdu onye Ju, mu l'iya yì-wa te nwekwa onye yebutaru iya sù l'ọ bufutaje útsù. ⁴ E guderu l'ọ nwekwaru-a ndu sùru t'ẹphe bua ya ugvu; ndu ono bụ ndu pyabataru nù; l'eme l'ẹphe -bụ ndu kẹ Kuráýisutu; 'a ma l'ẹphe ta bụdu; l'ọo ngge bẹ ẹphe byaru egege t'ẹphe bya bya egeta ẹge ayi gbakutaberu ekemu azụ; okfu l'ayi bụ ndu kẹ Kuráýisutu. Iphe ẹphe shi achọ ọzo iya bụ ẹge ẹphe e-me mee ayi t'ayi tsojelephu iphe ekemu ẹphe kfuru ẹge ohu anọduje eme iphe onye gbaru iya nù kfuru. ⁵ Ọle ayi te kwekwa haaru ẹphe ọzo; m'ọ bụ ugbo lanu; ẹge ee-shi t'ayi kwakoberu unu iphe ono, bụ ọkpobe okfu ono; mbụ ozi-oma ono.

⁶ Obenu lẹ ndu ọp̄hu a sùru l'ẹphe bụ ndu ishi ọbu; mbụ; iphe mu gude ekfu ẹge-a kwa lẹ mu ta akpadu ishi iphe ẹphe bụ; kele Nchileke te eledu madzụ ẹnya l'ifu. Ndu ono, a sùru l'ẹphe

bụ ishi ono ta dukwa iphe ọdo, ẹphe sụru tẹ mu yefua l'ozì-oma ono. ⁷ Iphe gbe mee nụ bụ l'ẹphe phuru lẹ Nchileke wowaru ozi-oma ono ye mu l'ẹka tẹ mu je zia ya ndu ẹ-ta bụdu ndu Ju; ẹge ono, o yekwaru iya phụ Pyita l'ẹka t'o je ezia ya ndu Ju ono. ⁸ Kẹ l'ọo ẹge ike kẹ Nchileke meru ìrè l'ẹhu Pyita; t'ọ bụru onye ishi-ozì; zia ndu Ju ozi-oma ono; bụ ẹge ike kẹ Nchileke meru mu ìrè l'ẹhu; mu aburu onye ishi-ozì; zia ya ndu ẹ-ta bụdu ndu Ju. ⁹ Tọ dụ iya bụ; Jémusu; mẹ Pyita; mẹ Jonu, bụ ndu ono, a sụru l'ọo ẹphe bụ ndu ishi, gudeshi chọchi-wa ike ono abya amaru l'ọo Nchileke yeru mu ozi-oma ono l'ẹka. Ẹphe azua mgbede; bya ekwe mu lẹ Bánabasu l'ẹka; bya ekweta l'ayi l'ẹphe atuko bụru nanu. Ayi l'ẹphe abya atukokwaphu zua gbururu lẹ mu lẹ Bánabasu a-nodu ezi ndu ẹ-ta bụdu ndu Ju ozi-oma ono; t'ẹphebedua zije iya ndu Ju. ¹⁰ Iphe lanu, ẹphe sụru t'ayi mee bụ t'ayi nyatajẹkwa ndu chọchi, akpa ukpa. Onanu bẹ mu kebekpooru ẹhu eme.

Mba, Pọlu baru Pyita lẹ Antiyọku

¹¹ Yo be lẹ Pyita byaru Antiyọku; mu evudo iya l'ifu baaru iya mbà l'edzudzu ọha; kẹ l'o nweru iphe o meru, teru iya nụ. ¹² Lẹ teke ọdungukpo bẹ Pyita yẹle ndu ẹ-ta bụdu ndu Ju shi erigbaje nri. E meebe; yo be lẹ ndu, ẹphe lẹ Jémusu nọ byakfutaleru iya phụ; yo bufu onwiya; sụ lẹ yẹle ndu ono, ẹ-ta bụdu ndu Ju ono te erigbahu nri. Ishi iya aburu lẹ Pyita atsu ndu Ju ono, sụru l'onnyemonye ọbule bufutaje utsù ono egvu. ¹³ Ụnwunna ayi ndu Ju ndu

ophu abya eyefua ẹka l'obu-ote Pyita phe ono. Mbu lufu ẹ Bánabasu bẹ ẹphe jítakwaruphu; yo tsoru ẹphe bukwaruphu ndu obu-ote obu. ¹⁴ Yo be teke mu byaru bya egude ẹnya mu phu; l'ẹphe tee tsodu ozi-oma ono ẹ nhamunha iya; mu evudo l'ifu ndu chochi l'ẹphe ha; su Pyita: "T'o lewaru ẹge yẹbedua, bu onye Ju gbe eme umere l'ọ bu onye ẹ-ta budu onye Ju; ?nanuhunu ẹge oo-me yebuta ndu ẹ-ta budu ndu Ju t'ẹphe tsoje ekemu ndu Ju?"

*Ekweta kpau a-dzo ndu Ju;
dzoo ndu ohodo*

¹⁵ O bu oswi-okfu l'ayibedua b'a muru; ayi aburu ndu Ju; ayi ta bu ndu ẹ-ta madu ekemu Nchileke; ¹⁶ obekwanu l'ayi marua l'ẹ to budu ome iphe a turu l'ekemu emeje madu t'ọ buru onye doberu ẹka ndoo l'ifu Nchileke. Onye doberu ẹka ndoo l'ifu Nchileke nwenkinyi bulekwaphu onye woru onwiya ye Jisusu Kuráyisutu l'ẹka. Oo ya bu l'ayibedua wowaru onwayi ye Jisusu Kuráyisutu l'ẹka ẹge ayi a-buru ndu doberu ẹka ndoo l'ifu Nchileke; okfu l'ayi kwetaru ke Jisusu Kuráyisutu; ẹ to bukwa okfu l'ayi eme iphe a turu l'ekemu. L'ẹ to dukwa onye Nchileke agu l'onye doberu ẹka ndoo; okfu l'onye ono eme iphe a turu l'ekemu. ¹⁷ Keshinu ophu ayibe ndu Ju eme t'ayi ẹ Kuráyisutu tugbabe buru nanu; k'ophu oo-me t'ayi buru ndu doberu ẹka ndoo l'ifu Nchileke; oo ya bu l'ayi kweru l'ayi buhukwaphu ndu eme iphe du eji l'ọ bu ndu ẹ-ta madu ekemu Nchileke. Teke bu l'ọ bu ẹge ono b'ọ du; ?ọ

futaru lẹ Kuráýisutu eme t'iphe dọ ẹji kafua nshinu tọo? Wawakwa! ¹⁸ Ọ -bọru lẹ madzọ vuru ọzo mee ya t'ọ doo ẹnya l'ẹ tọ bọhedu ome iphe a tọru l'ekemu emeje tẹ Nchileke gwa madzọ l'onye doberu ẹka ndoo; bya ala azọ wata iya ememe bẹ onye ono bọakwa onye emebiyi ekemu emebiyi. ¹⁹ Mu gudeekwa k'otso ekemu bya aphua lẹ mu nwuhuwaru anwuhu; l'ekemu gbuwaru mu egbugbu. Mu abyaakwanu bya eswee ya ẹnya ẹge ee-shi tẹ mu noduru Nchileke ndzọ. ²⁰ A kpopyabewaru mu lẹ Kuráýisutu l'oshi-osweru. Ọo ya bọ l'ẹ tọ bọhekwa mbẹdua nọ ndzọ. Ọ bọakwa Kuráýisutu nọ mu ndzọ l'ẹhu. Ndzọ ophu mu nọ nta-a bọkwa okfu lẹ mu woru onwomu ye Nwatibe Nchileke l'ẹka kparu iphe mu nọ iya; mbọ Nwatibe Nchileke ono, bọ onye yeru mu obu; woru ndzọ iya tọ l'okfu ẹhu mu ono. ²¹ Mu ta ajikakwa eze-iphe-oma Nchileke. Ndege ọ -bọru l'ọo shita l'ome ekemu bẹ madzọ e-shi bọru onye doberu ẹka ndoo l'ifu Nchileke; m'ọ bọru iya bọ l'anwuhu, Kuráýisutu nwuhuru ta ge enwekwa ishi.

3

Ekweta; yẹle ekemu

¹ Ọwaa ẹge eswe nk'unu hakwanu; unubẹ ndu Galéshiya! ?Bọ onye kabẹ raa unu ẹka l'ifu ẹge ọwaa? ?Tọ bọdunua unu bẹ mu tọko kẹ anwuhu Jisọsu Kuráýisutu l'oshi-osweru tọgboru ẹbawa. ² Iphe lanu, mu aji unu bọ: ?Bọ iphe ekemu kfuru bẹ unu meoduru bẹ unu nataderu Ume-dụ-Nsọ ono, unu nataru ono tọo? Wawakwa! Unu

nataru Ume-dụ-Nsọ; kẹ l'unu nuru ozi-oma kẹ Kuráýisutu ono bya eworu onwunu ye iya l'ẹka. ³?Nanu ẹge e meru bẹ unu gbe bya abụwaru nū ndu eswe ẹge ono? L'ọdungu bẹ unu gude Ume kẹ Nchileke dube otso Kuráýisutu. ?Buhunu ngunu meru iphe unu paru Ume Nchileke ono haa; gbe dobesu l'ọo ike nk'unu bẹ unu e-gude tsokota Kuráýisutu ọbu? ⁴ Iphemiphe ọbule ono, unu gude ẹnya unu phukota ono; ?ọ bụ kẹ mmakanu tọo? Ẹ tọ dukwa mu l'ọ bụ kẹ mmakanu. ⁵?Ọ kwa lẹ Nchileke anọduje anu unu Ume-dụ-Nsọ iya; l'emeshi iphe-ophulenyia l'ẹke unu nọ. ?Ọojikoje iphe ono eme; okfu l'unu eme iphe ekemu kfulu; t'ọ bụ-a l'ọo l'unu nuru ozi-oma ono bya eworu onwunu ye Kuráýisutu l'ẹka?

⁶ Unu lewaru iphe ẹkwo okfu Nchileke kfulu lẹ kẹ Ébirihamu. Ọ sọru: “Lẹ Ébirihamu woru onwiya ye Nchileke l'ẹka; Nchileke agwara iya ẹya l'odobe-ẹka-ndo.” ⁷ Ọo ya bụ l'unu elewa iya-a l'ọo ndu, kweru iphe Nchileke kfulu bẹ bụ unwu Ébirihamu. ⁸ Ẹkwo okfu Nchileke mehawaru t'a maru lẹ Nchileke e-me ndu ẹ-ta bụdu ndu Ju t'ẹphe buri ndu doberu ẹka ndoo; m'ọ -buri l'ẹphe woru onwẹphe ye iya l'ẹka. Nchileke vuhawa ọzo zia Ébirihamu ozi-oma ono; sọ iya: “L'ọo l'ẹka iya bẹ ya e-shi gọoru ndiphe mgburumgburu ọnu.” ⁹ Ọo ya bụ lẹ keshinu Ébirihamu woru onwiya ye Nchileke l'ẹka; Nchileke agọoru iya ọnu; bukwapu ẹge ono bẹ Nchileke a-gọru ọnu-oma nū iphe bụ ndu woru onwẹphe ye iya l'ẹka.

¹⁰ Iphe bụ ndu yeru ẹhu l'ome iphe a tūru l'ekemu; mbụ ndu, sūru l'ọo otso ekemu a-dzofuta ẹphe; be bụkwa ndu vu ọnu. Kele e deru l'ẹkwo ekemu; sū: "L'onye ta tūkodu iphe bụ iphe, e deru l'ẹkwo ekemu l'ọ ha eme bụkwa onye vu ọnu." ¹¹ Iphe lanụ, doru ẹnya ọhuma bụ l'ẹ tọ dudu onye a-dụ ike gude otso ekemu ono bụru onye doberu ẹka ndoo l'ifu Nchileke. Okfu l'e deru; sū: "L'onye woru onwiya ye Nchileke l'ẹka; shi ẹge ono dobe ẹka ndoo a-dzūkwaru."

¹² Obenu l'ome iphe a tūru l'ekemu yele oworu onwonye ye Nchileke l'ẹka ta dukwa iphe ẹphe ji; okfu l'e dekwaruphu l'ẹkwo; sū: "Le ndu emeje iphe, bụ iphe ekemu kfuru l'ọ ha e-shikwaphu ẹge ono nọdu ndzụ."

¹³ Kuráyisutu gbafutaru ayi le mburonu, ekemu meru; ayi evuru; keshinu o vuchitaru ayi mburonu ono, ga ge gbu ayi ono; ke l'ẹkwo okfu Nchileke sukwaru: "L'iphe bụ onye a kfguburu l'eli oshi bụkwa onye larụ le mburonu."

¹⁴ Kuráyisutu larụ le mburonu ono ẹge ee-shi te eze-iphe-oma, Nchileke sūru le ya emeru Ẹbirhamu shi l'ẹka ke Kuráyisutu Jisosu rua ndu ẹ-ta bụdu ndu Ju ẹka. Ayibedua e-shikwaphu l'ekwekwe, ayi kweru ke Kuráyisutu nata Ume ono, Nchileke kwehawaru ukwa le ya a-nụ ayi ono.

*Ekemu; yele ukwa,
Nchileke kweru*

¹⁵ Ụnwunna mu; te mu gudekwa iphe ayi emeje nmaaru unu ẹtu ọwaa: Madzụ -kee ekpe; dee ya edede l'ẹkwo; bya abyaa ya ẹka; b'ẹ tọ

dùkwa onye emebyije iya nù; òphu ò dùkwa onye eyekwaje iya iphe. Mbù; a makwaru-a l'òo ekpe, madzù keru. ¹⁶ Ò kwa Ébirihamu yèlè “o-shi-l'eri iya” bẹ Nchileke kweru ùkwa iphe.

È tọ sùkwa iya l'òo “yèlè ndu, bụ o-shi-l'eri iya phe;” t'e shi ẹge ono maru l'òo igwe madzù.

Ò sùru l'òo yèlè “o-shi-l'eri iya”, bụ iya bụ l'òo onye lanù, bükwanu iya bụ Kuráyisutu. ¹⁷ Mbù l'iphe mu ekfu bụ l'ògba-ndzù ono, shi l'ẹka Nchileke ono bẹ Nchileke kweru ùkwa iphe kweshia ya ike lẹ ya e-me iphe iya kfulu. Ekemu, a nọ-oduru unu afa l'ùkporo afa iri k'òphu Nchileke kwetsuaru ùkwa ono tẹmanu bẹ ekemu ono byaru; te emebyighekwa ùkwa iphe ono, Nchileke kweru ono. È to mekwa ùkwa ono, Nchileke kweru ono t'ò bụru kẹ mmakanù. ¹⁸ Ndege ò bụru l'òo t'e meodu iphe a turu l'ekemu tẹmanu Nchileke emee iphe o kweru ùkwa iya; m'ẹ tọ ga abùhekwa kẹ l'ò kweru ùkwa iphe b'ò gude eme iya. Obenu lẹ Nchileke nuru Ébirihamu iphe, o kweru iya ùkwa iya; okfu l'ò kwewaru iya ùkwa iya.

¹⁹ ?Bùhunu ngunu b'a tų-turu ekemu? Iphe a tų-turu ekemu bų t'ò koshi iphe ome ẹjo iphe bų. A tųru iya; okfu l'òo-nòdu jeye teke o-shi-l'eri Ébirihamu ono a-bya; bų iya bų onye ono, Nchileke kweru ùkwa iphe doberu ono. Òo Nchileke tųru ekemu ono bya eshi l'ẹka ndu ojozi-imigwe woru iya nų onye ẹto, bų Mòsisu, nọ-chiru ẹnya madzù t'ò tųaru iya ndiphe. ²⁰ L'ò kwa teke a dų ẹbo eme iphe bẹ aachojẹ onye-ẹto. Obekwanu l'onye lanù -ekwe ùkwa iphe bẹ mkpa

onye k'eto ono ta duhekwa. Yò buru Nchileke bu onye lanu ono.

²¹ ?Bù iya bu l'ekemu e-chikpo iphe ono, Nchileke kweru ukwa iya to? Wawakwa!

Kele ndege o nweru ekemu, a turu, l'anu ndzu; me odobe-eka-ndoo eshikwanu l'ome iphe a turu l'ekemu. ²² Obenu l'ekwo okfu Nchileke ekoshi le ndiphe mgburumgburu be iphe du eji nmapyitawaru l'ekpiri. Iphe kparu iphe ookoshi iya ege ono; bu k'ophu iphe ono, Nchileke kweru ukwa le ya e-meru onye woru onwiya ye Kuráiyisutu l'eka ono a-buleruphu ndu woru onwephe ye Kuráiyisutu l'eka kpuu be oo-meru iya.

²³ Teke Nchileke taa guhaduaru ayi uzo t'ayi woru onwayi ye Kuráiyisutu l'eka be ekemu shikwa tuchia ayi l'o bu ndu a tuchiru l'okamkporo jeye teke Nchileke koshiru ayi uzo t'ayi woru onwayi ye Kuráiyisutu l'eka. ²⁴ Oo ya bu l'ekemu shi edu ayi uzo l'o bu onye eleta egirima enya; dua ayi ege ono jeye Kuráiyisutu abya; k'ophu ayi a-buru ndu Nchileke guru le ndu doberu eka ndoo; okfu l'ayi woru onwayi ye Nchileke l'eka. ²⁵ Nta-a, Nchileke guhawaru ayi uzo t'ayi kweta ke Kuráiyisutu-wa be ayi ta nhekwa l'eka onye ono, eleta ayi ono, bu iya bu ekemu.

²⁶ Oo ya bu le keshinu unu wowaru onwunu ye Kuráiyisutu l'eka; unu l'iya atugbabe-wa buru nanu be unu bukotawa unwu Nchileke; ²⁷ kele teke ono, e meru unu baputizimu; unu le Kuráiyisutu atugbabe ono b'e -kfude iya ekfufu; a su l'unu wowaru ndzu Kuráiyisutu yee onwunu

l'ò bụ onye yeru uwe. ²⁸ Mkpọcha kẹ l'onye ọwaa bụ onye Ju; onye ọphu ta bụ onye Ju ta dūhekwa. Ọphu 'ò dūhekwa mbụ mkpọcha kẹ l'onye ọwaa bụ ohu; onye ọphu aburu amadu. Ọphu l'onye ọwaa bụ nwoke; onye ọphu aburu nwanyi ta dūhekwaphu; kẹ l'unu l'unu ha shi-wa l'ẹka Kuráýisutu tūgbabe bụru nanu. ²⁹ Oo ya bụ; ọ -buru l'unu bụwa ndu kẹ Kuráýisutu bẹ unu bụwa o-shi-l'eri Ébirihamu; bụ iya bụ ndu iphe ono, Nchileke kweru Ébirihamu ụkwa iya ono ruberu.

4

¹ Ọwaa iphe, mu e-gude koshi unu iphe, mu ekfu: L'onye bụ iya e-mekochaa ria iphe nna iya bẹ teke ọ bụ nwata bẹ bukwa ẹge eeme ohu bẹ aanọduje eme iya. A makwaru-a l'ọo ya nwe iphemiphe ọbule; ² ọbu lẹ teke ono, ọ bukwa du nwata ono bẹ oonweje onye gude iya nū, bụ iya bụ onye e-mefuta iya nū. Yo nwekwaruphu onye a-nọdu eleta iphe, o nweru ẹnya jeye teke ono, nna iya kfuru sụ l'ono bụ teke nwata ono dzuru ogwota iphe iya ono. ³ Ọ bụ ẹge ono b'ọ dū l'ẹka nk'ayi. Teke ayi te shidu maru iphe bẹ ọgvu imigwe, achigbaa mgboko-a shi eme ayi ohu ẹphe. ⁴ Yọ bya erua teke gbaru nū; Nchileke ezi Nwa iya t'ọ bya. Yọ bya aburu madzū; nwanyi amua ya. Yọ buri iphe ekemu sūru tẹ ndu Ju meje bẹ oomeje; ⁵ t'o shi ẹge ono gbata ndu ekemu keru ẹgbu; k'ọphu Nchileke a-nata ayi l'ọ bụ unwu iya.

⁶ Yọ buri okfu l'unu bụwa unwu iya meru iphe Nchileke woru Ume kẹ Nwa iya ye ayi l'obu; mbu

Ume ophu emeje ayi t'ayi l'eku Nchileke: “Nna! Nna!” ⁷ Oo ya bu l'e shi l'eka Nchileke; unu ta buhe ohu; unu abuwarunu unwu Nchileke. Keshinu unu buwa unwu Nchileke; bu nu iya bu l'unu yi-wa le ndu e-ri iphe ono, Nchileke doberu unwu iya ono.

Polu agba mgbamuche ndu Galéshiya

⁸ Le mbu; teke unu te shidu maru Nchileke be unu shi bugbaaru ohu k'iphe e-ta budu Nchileke. ⁹ Yo be nta-a, unu byawaru bya amaru Nchileke-wa; waawa; te mu gbe kfuwa ya ege-a: o buchia nta-a, Nchileke mawaru unu-wa be mu suru: ? nanuhunu ege e meru: unu egbe ghakobe ala azu alakfu ogvu ono, shi achitsua unu, e-ta dudu ike, no iya nu ono? ?Bu ngunu meru iphe unu eme t'unu lashia azu je aburu ohu ephe odo? ¹⁰ Unu anyataje uboku; me onwa; me oge teke iphe meru; me afa; dobegbaa ya iche; unu etubesu l'unu -emewa iya ege ono; Nchileke asu l'unu eme iya ohuma. ¹¹ Mu awakwaru unu obu; le mu ta madu: ozi ono, mu jeru l'ishi unu ono; ?to budu mu nu ke mmakanu.

¹² Unwunna mu; mu aru unu t'unu duru ege mu du; kele mbedua duwa ege unu du. E to dukwa iphe du eji, unu meru mu. ¹³ Unu marua l'oo teke ehue e-ta dudu mu mma be mu byaru bya ezia unu ozi-oma ono l'odungu. ¹⁴ E gudekwaru l'iphe, shi eme mu nu shi buru unu eze iphe-adata; unu ta kpokwa mu ash; unu ta jika mu. Unu gbe metabekwaru mu ohuma le mu -bu ojozi-imigwe; m'o bu le mu -bu Kuráyisutu Jisusu l'onwiya. ¹⁵ ?Unu meru ehue

ono, shi tsoo unu ɛna l'okfu ɛhu mu teke ono imagha? Kɛ lɛ mu maru l'ɛ ta atudu iya ego; lɛ ndege o buru lɛ ee-meghe iya teke ono; m'o gbe buru kɛ t'unu swoshia akpuru ɛnya nk'unu chee mu. ¹⁶ ?Mu gbe buwaru nu onye okfu unu nta-a; okfu lɛ mu ekfuru unu iphe bu oswi-okfu too?

¹⁷ Ndu ono bɛ oovukwa evuvu t'ɛphe kfuta unu yeru onwɛphe. Olobu t'unu makwaru l'iphe ɛphe gude eme iya ta adukwa mma. ɛphe emekwa t'ɛphe chibuta unu t'unu gbaɸu mu l'ɛhu; tsoru ɛphe. ¹⁸ Ogba-tso ndu odo ta dukwa ɛji; olobu; t'unu gbatsojekwaru ndu obu m'o - buru l'ɛphe ekfu iphe du mma. Unu mejekwa ɛge ono tekenteke; t'ɛ b'o bulekwapu teke mu l'unu no. ¹⁹ Unwu mu! Mu nokwa l'iphe-ɛhuka l'okfu ɛhu unu nta-a; l'o bu nwanyi, ime eme. Yo buru ɛge ono bɛ mu a-no iya jeye teke unu a-du ɛge Kuráyisutu du. ²⁰ O dule mu phu t'a su lɛ mu l'unu no nta-a; mɛ mu amakwanuru ɛge mu ge edobe onu ekfuru unu okfu. Nta-a b'o jiru mu ɛnya ɛge mu e-mekpo kɛ ɛhu unu!

ɛtu ɛhu Héga yele Séra

²¹ Unubɛ ndu onoduje agu mbu ome iphe ekemu kfuru; unu kaeduru mu: ?unu ta nudu iphe ekemu kfuru too? ²² Kɛ l'e dekwaru su lɛ ɛbirhamu mutaru ɛgirima unwoke labu. Onye lanu bu nwanyi, bu ohu mutaru iya ɛya; onye ophu bu nwanyi ophu, bu amadu mutaru iya ɛya. ²³ Onye onanu, bu ohu muru iya ono b'a tsutaru ime iya; to nwe ukwa, Nchileke kweru swibe l'ɛhu iya kɛ iche. Onye onanu, shi l'ɛka nwanyi ophu bu amadu phu b'a tsutaru ime iya;

okfu lẹ Nchileke kweru ụkwa l'aa-mụ iya. ²⁴ Bụ iya bụ okfu; mę ẹtu iya. Ụnwanyi labụ ono, bụgbaa nne ẹphe ono nọ-chiru ẹnya ọgba-ndzụ labụ, shi l'ẹka Nchileke. Onye ọphu bụ Héga nọ-chiru ẹnya iphe ono, Nchileke kweru ụkwa iya l'ọgba-ndzụ, shi l'eli Ugvu Sáyínayi, bụ iya bụ l'ẹke ọ turu ekemu nụ Mósísis. Ẹpha nwanyi ono bụ Héga, bụkwaphu ẹpha Ugvu Sáyínayi ono. Ụnwu nk'iya b'a mụru t'ẹphe bụru ohu. ²⁵ Ugvu Sáyínayi ono nọ l'alị Arébiya. Yọ bụru Arébiya bụ ẹke ụnwu nwanwa kẹ Héga bu. Ọ bụ ẹge Héga, bụ iya bụ nwanyi ọphu bụ ohu phụ nọ-chiru ẹnya Ugvu Sáyínayi bụ ẹge ọ nọ-chiru ẹnya Jerúsalemu ntanụ-a; kẹle Jerúsalemu, bụ iya bụ ufu ndu Ju; mę ndu nọ iya nụ bẹ ekemu mewaru; ẹphe atụko bụru ohu. ²⁶ Obenu lẹ Jerúsalemu kẹ Nchileke, bụ iya bụ Jerúsalemu ọphu nọ l'imigwe ta bụdu ohu. Ọ bụ yẹbedua bụ nne ayi. ²⁷ Kẹ l'e deru l'ẹkwo okfu Nchileke; sụ:

“T'ẹhu tsoo ngu ẹna
 nggube nwanyi,
 keru ekeru, ẹ-ta tsụbua ime!
 Gude ẹhu-ọtso-ẹna tee ẹswa;
 nggube nwanyi, ẹ-ta madu
 ọhoku ude nwanyi, ime eme;
 kẹle nwanyi ọphu
 e shi gbẹeru azụ phụ;
 a-zụ azụzu karia nwanyi
 ọphu yẹle nji iya bu ebubu.”

²⁸ Ụnwunna mu; unubedua bụkwaphu ụnwu Nchileke ẹge Áyizaku bụ iya. Ọ bụ ẹge Nchileke kweru ụkwa l'aa-mụ Áyizaku tẹmanu a mụa

ya; bu ẹge o kwekwaruphu ụkwa l'unu a-buru unwu iya tẹmanu bẹ unu bya aburu iya. ²⁹ O bụkwaphu ẹge o dụ teke ono bu ẹge o dụ nta-a. Teke ono bẹ onye onanu, a tsutaru ime iya l'ọ bu kẹ ndu ọdo phụ shi anọduje akpa onye ọphunanu, ndzụ iya shi l'ẹka Ume Nchileke phụ ẹhu. Yọ buru ẹge o dụ nta-a ndono. ³⁰ Obenu; ? bu ngunu bẹ ẹkwọ okfu Nchileke kfuru? O sụru: "Chifukwa ohu yẹle nwa iya. Nwa, shi l'ohu bẹ yẹle nwa, amadụ mụru ta agbakwaru mgba eke iphe nna ẹphe." ³¹ Oo ya bu; unwunna mu; ayi ta bụkwa unwu, ohu mụru; ayi bụkwa unwu kẹ nwanyi ọphu bu amadụ.

5

Unu be ekwekwa; t'e mee unu ohu ọdo

¹ Kuráýisutu tọkwaru ayi l'ẹgbu; sụ t'ayi ba abụhe ohu. Oo ya bu t'unu vudoshia ike. Unu be ekwekwa t'o nweru onye e-gude ekemu mee unu t'unu buru ohu ọdo.

² Tẹ mubẹ Polu kakwaru iya unu: o -buru l'ọ bu obu útsù bẹ unu gude eme t'unu buru ndu doberu ẹka ndoo l'ifu Nchileke; ọo ya bunu l'abyabya, Kuráýisutu byaru ta dudu uru, o baru unu. ³ Tẹ mu kasakwaa onyemonye ọbule, buru útsù ẹnu-nchi. T'onye buru útsù ẹge eeshi tẹ Nchileke gụa ya l'onye doberu ẹka ndoo nyatakwa l'o dobefutaje iphe bu iphe ekemu kfuru l'ọ ha. ⁴ Unubẹ ndu eme tẹ Nchileke gụa unu lẹ ndu doberu ẹka ndoo; okfu l'unu eme iphe ekemu kfuru; unu bufuakwaru onwunu l'ẹke Kuráýisutu nọ. Unu nashiakwaru onwunu

eze-iphe-oma ké Nchileke. ⁵ A -bya l'ayibedua bẹ iphe ayi dzọberu okpa ele ẹnya iya eleshi iya ike lẹ Nchileke a-gụ ayi lẹ ndu doberu ẹka ndoo l'ifu iya bukwa l'ayi nataru Ume-dụ-Nsọ; okfu l'ayi woru onwayi ye Kuráýisutu l'ẹka. ⁶ Kẹ l'onye yẹle Kuráýisutu Jisọsu tųgbaberu buru nanụ b'ẹ te ekfuhakwa ké l'e buru útsù; ophu bụ l'ẹ te budu. Iphe eekfu bụ k'oworu onwonye ye Kuráýisutu l'ẹka; mbụ okweta ké Kuráýisutu ophu ayi shi l'obu, ayi yeru ibe ayi ekoshi.

⁷ Unu shikwa etsokotahawa ụzo ono osuma. ? Buhunu onye kposhuru unu t'unu ba anoduhe eme iphe bụ okpobe okfu ono nta-a? ⁸ Ophu doru mu ẹnya bụ l'ẹ tọ budu Nchileke-wa, bụ iya keru unu-wa bẹ gbe nọdu lẹ mkposhi ono t'unu be emehe okpobe okfu ono. ⁹ A nmaru etu; sụ l'ọ bụa nwa-ochi-l'ẹka iphe ekoje-buredi l'ekolije ishi buredi l'ophu. ¹⁰ Obenu l'atųgbabe, ayi l'unu tųgbaberu lẹ Nnajiufu bẹ meekwaru t'obu shihu mu ike l'ẹke unu nọ; l'unu a-laa azụ tsochata ụzo; wata ori iphe mu ari. L'onye obu onye obu; mbụ onye ono, gbaghashiru unu obu ono bẹ Nchileke a-nmakwa ikpe.

¹¹ Obenu: unwunna mu; o -buru l'ọo t'e buje útsù bẹ mu ezikwadu; l'ara iya arara; ?buhunu ole bụ ké tẹ aakpakwadu mu ẹhu? O buru ẹge ono b'ọ du; mẹ arara, mu ara lẹ Nchileke agulephu ayi lẹ ndu doberu ẹka ndoo; okfu lẹ Kuráýisutu nwuhuru l'oshi-osweru ta ga dukwa onye o ga abujeru iphe eghughu. ¹² Teke bụ lẹ ké obu útsù aphunuka ndu ono, agbaghashi unu obu ono l'ẹhu; t'ẹphe jenu je ahashia onwẹphe ahaha.

¹³ Kẹ l'unubẹdua; unwunna mu; b'e kuru t'unu buru ndu a toru l'ẹgbu. A makwarua l'a towaru unu l'ẹgbu. Obenu l'agha: unu ba ahahekwa onwunu t'iphe anọduje agụ unu agụgu; mẹ iphe unu ari l'okpoma bya ekee unu ẹgbu ọdo. Iphe unu e-me gbe buru t'onnyemonye ọbule yeru ibe iya obu; k'ophu unu a-nọduje eyeru ibe unu ẹka. ¹⁴ Ishi iya aburu l'ekemu ono l'ọ ha tükokwa kpakọru l'okfu lanu; bu iya bu: "Yeru madzu ibe ngu obu ẹge i yeru onwongu." ¹⁵ Obenu lẹ teke ọ bu l'unu gbe anọduje eme l'ọ bu anu-egu-egbudu, ẹ-te yeduru ibe iya obu; gbe l'atakashi ibe unu ẹra; anmabushi ibe unu anu; ha! Unu kwabekwa ẹnya; unu 'atuko ibe unu taebe; gvụ.

Ume Nchileke; mẹ ẹjo iphe aguebe madzu

¹⁶ Oke mbẹdua sūru t'unu hakwaa Ume Nchileke t'ookoshije unu ọzo. Oo ya bu ẹge unu ẹ-te emejedu ẹjo iphe aguebe unu. ¹⁷ L'iphe aguebe madzu be ta adujekwa Ume Nchileke mma. Ophu iphe agụ Ume Nchileke ta adujekwanu uche ke madzu mma. Iphe kparu iya nu bu l'uzo iphe labu ono be duru onwephe l'okfu. Yo buru iya kparu iphe unu ta adujedu ike mee iphe du mma, unu riru k'ememe. ¹⁸ Obenu lẹ teke ọ bu Ume Nchileke ekoshije unu ọzo; ọo ya bu l'ekemu te ekehedu unu ẹgbu.

¹⁹ Iphe shigbaa l'uche madzu doru ẹnya: mbu ?ti phudu uru-ali; ?ti phudu ẹjo umere, rehuru erehu; ?ti phudu iphere ogvu l'ifu; ²⁰ ogwa iphe aagwa agwagwa; ogwo ogvu; osephe okfu; ọlu ogu; ijimẹnya; obu-oku; oke-ẹnya; okekashi onwonye akpa iche iche; ²¹ ẹnya-kfurukfuru;

ongunuka mēe; ori l'angusweshi onwonye ifu; mēwaru egbe iphe dū ēge ono. Ọ bụ egbe iphe shigbaa l'uche madzū ndono. Tē mu l'okwaa unu ẹka lē nchị ēge mu l'ohawaru iya unu: ndu eme ēge ono ta abyakwa bya abahū l'ẹke Nchileke bụ eze.

²² Obekwanu l'iphe shigbaa lē Ume Nchileke bụ: n-yemobu; ẹhu-ena; nchị-odu-ndo; ọtan-shi; ome odo; ome ọhuma; ovudoshi ike l'iphe e kfulu; ²³ ome agu; mē ọkpade onwonye. Ẹ to nwekwa ekemu, a tūru sū l'onye meru iphe dūgbaa ēge ono bē aa-nma ikpe.

²⁴ Ndu bụkwanu ndu kē Kuráýisutu Jisọsu kpoypyabewaru ẹjo iphe agugbaa uche ẹphe; mē ẹjo umere ọphu shigbaa ẹphe l'uche l'oshi-osweru. ²⁵ Nchileke shiwa l'ẹka Ume nk'iya; nū ayi ndzū ọphungu. Ọo ya bụ; unu t'ayi hanua tē Ume ono koshije ayi ụzo. ²⁶ Unu t'ayi be emejelephu iphe ēge ee-shi t'a jaa ayi ajaja; ayi te emeje iphe e-ghu ibe ayi eghughu; ọphu ayi ejijekwaru ibe ayi ijimēnya.

6

Ọku -kọta madzū

¹ Ụnwunna mu; teke bụ l'o nweru onye ẹka guderu l'ẹke oome iphe ẹ-ta dudu mma; unu koshinu l'ọo Ume Nchileke edu unu; zia obu alị dulata iya azū l'ụzo, vudo nhamunha. Obenu; tē onyemonye ọbule letakwa onwiya ẹnya t'ẹ b'e nwufuaru iya ye l'ome iphe dū ẹji. ² T'onyenonu gbatajeru ibe iya l'iphe atsū iya l'ẹhu; k'ọphu unu e-gude ēge ono mekotaje ekemu, Kuráýisutu tūru. ³ L'onye riru lē ya bụ iphe; l'ẹke ẹ tọ

dudu iphe o bu; onye ono kwa onwiya be oome eswe. ⁴ O kwa t'onyenonu letajeodu onwiya enya; maru ege umere iya gbaru. Teke i maru ege umere ngu gbaru; nggu ewotaje iphe i meru turu yeru umere, gbaru ngu l'ememe. Oo ya bu l'e tii jeheduru owota iphe i meru aturu eyeru ke onye odo. ⁵ Ishi iya aburu l'onyenonu e-vukwaru iphe o shi emeebe le mgboko-a bya l'ifu Nchileke.

⁶ T'onye eezi ozi-oma ke Kuráiyisutu ono nujekwa onye ezi iya eya nu iphe du mma, o nweru.

⁷ Unu be ekwekwa t'e duphua unu uzo; le Nchileke ta abukwa onye eswe. O kwa iphe bu iphe onye kuru be owotaje akpuru iya. ⁸ L'onye eme ejo iphe agu uche iya be a-lakwa l'iyi. Obenu l'onye eme iphe Ume Nchileke ziru iya be Nchileke a-nu ndzu gbururu jeye. ⁹ Oo ya bu te ike ba agvukwa ayi l'ome ohuma; okfu l'ayi emekochaa ria uru iya teke o gbaleruphu; me ayi -gudekpele iya phu ege ayi gude iya. ¹⁰ Oo ya bu; t'ayi mejeru onyemonye obule ohuma nta-a, uzo duru ayi k'ememe iya. Ndu, ayi a-katsujekpooru omeru ohuma ono bu ndu, ayi l'ephe tuko buru ndu onu ulo lanu; okfu l'ayi l'ephe tuko-wa woru onwayi ye Kuráiyisutu l'eka.

Ekele mkpo-chi ishi iya

¹¹ Nta-a be mu gudekpoo eka mu gedegede ederu unu ekwo obu. ?Unu ta phudu ege akpuru okfu, mu gude ede iya haje kakporo kakporo. ¹² O kwa ndu eme t'a jaa ephe ajaja ke iphe ephe suru l'e mefutaje l'eli ehu bu ndu eyebutaje unu t'unu bua utsu. Iphe

ẹphe gude eme iya bu ẹ ndu Ju ba kpa ẹphe ẹhu. Ẹphe maru ẹ ndu Ju ga ga akpa ẹphe ẹhu; ndẹge ẹphe kweru l'ọ bụlephu Kuráyisutu ono, nwuhuru l'oshi-osweru ono a-dzofuta ẹphe. ¹³ Ndu ọbu, bukpooru nu útsù ọbu ẹ-ba bu l'ẹphe emejekwanu iphe ekemu kfuru. Iphe meru iphe ọogu ẹphe t'ẹphe mee unu t'unu bua útsù bukwa k'ọphu ẹphe a-sashilaha nsasa l'ẹphe meru; unu emee onwunu iphe-ọhubama l'anụ-ẹhu. ¹⁴ A bya ẹ mbẹdua; mu ta ahakwa ẹ ọsa nsasa l'iphe ọdo; gbahaa k'oshi-osweru Nnajiufu ayi, bu Jisọsu Kuráyisutu. Ẹ keshinu ọphu ọ nwuhuru l'oshi-osweru bẹ iphe ẹ mgboko-a ta dẹhekwa iphe ọ bu mu; ẹmanu bẹ mbẹdua dẹkwaphu l'ọ bu onye nwuhuru anwuhu l'ẹke iphe ẹ mgboko-a nọ. ¹⁵ Ẹ l'e buru útsù; te bu; te nwekwa iphe ọ bu. Iphe bu iya nu nwenkinyi bu ọburu onye Nchileke keru k'ọphungu. ¹⁶ Ẹ Nchileke mee t'ẹhu dẹ iphe bu ndu etsoje ọzo iya ono, mu koshiru unu ono agu; yọ phukwaaruphu ẹphe imiko. Ọ bu ẹphe bu ọkpobe ndu Ízurelu ẹ Nchileke.

¹⁷ Dube ntanụ; t'ẹ b'ọ dẹkwa onye e-kfuchibaa mu nchị ọdo. Ichii iphe ọwaa, mu vu l'ẹhu ẹge-a bẹ bukwa iphe-ọhubama, ekoshi ẹ mu bu ohu Jisọsu.

¹⁸ Ụnwunna mu; ẹ Nnajiufu ayi, bu Jisọsu Kuráyisutu mekwaaru unu eze-iphe-oma l'unu ha. Ono kwa ẹge ọ dẹ.

Bayiburu Ikwo
Ikwo: Bayiburu Ikwo Bible

copyright © 2014 Wycliffe Bible Translators, Inc.

Language: (Ikwo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

3867ef4e-3384-5ab4-a937-63476bb8a7bb